



KEMENTERIAN KESIHATAN MALAYSIA

ARAHAN AM MENTERI KESIHATAN

BILANGAN 1 TAHUN 2020

**MENGIKUT PERUNTUKAN AKTA KEMUDAHAN DAN PERKHIDMATAN
JAGAAN KESIHATAN SWASTA 1998 [AKTA 586]**

***SELF-DECLARATION* KEMUDAHAN DAN PERKHIDMATAN *SCREENING*
DAN *TRIAGING* (S&T) BAGI COVID-19 DI KLINIK PERUBATAN SWASTA,
PUSAT JAGAAN AMBULATORI SWASTA DAN HOSPITAL SWASTA
YANG BERDAFTAR ATAU BERLESEN DI BAWAH AKTA 586**

TUJUAN

1. Arahan ini ditujukan kepada Ketua Pengarah Kesihatan (KPK) dan mana-mana pegawai yang dilantik di bawah Akta 586 iaitu Timbalan Ketua Pengarah Kesihatan (Perubatan), Pengarah Amalan Perubatan dan pegawai-pegawai Cawangan Kawalan Amalan Perubatan Swasta (CKAPS) HQ yang terlibat dalam penerimaan *self-declaration* bagi menyediakan *Screening* dan *Triaging* (S&T) oleh Klinik Perubatan Swasta, Pusat Jagaan Ambulatori Swasta dan Hospital Swasta yang berdaftar atau berlesen di bawah Akta 586.
2. Arahan ini juga boleh dijadikan rujukan kepada Pemegang Perakuan Pendaftaran atau Pemegang Lesen yang berhasrat menyediakan S&T supaya dapat mengemukakan *self-declaration* mengikut piawaian dan keperluan yang ditetapkan oleh KKM dalam memastikan keselamatan dan kualiti jagaan kesihatan pesakit.

3. Arahan ini juga bertujuan bagi memudahcara sektor jagaan kesihatan swasta untuk menyediakan kemudahan dan perkhidmatan S&T bagi COVID-19 dengan selamat melalui kaedah *self-declaration*.

LATAR BELAKANG

4. Peruntukan bagi mengawal dan mengawalselia kemudahan dan perkhidmatan jagaan kesihatan swasta (KPJKS) bawah Akta 586 adalah seperti berikut:
 - 4.1 **Subseksyen 39(1), Akta 586, iaitu** premis yang berhubungan dengan suatu lesen untuk mengendalikan atau menyediakan kemudahan atau perkhidmatan jagaan kesihatan swasta atau suatu perakuan pendaftaran tidak boleh digunakan bagi apa-apa maksud selain maksud yang berkenaan dengannya lesen atau perakuan pendaftaran itu dikeluarkan, dan maksud-maksud yang semunasabahnya bersampingan dengannya;
 - 4.2 **Subseksyen 40(1), Akta 586, iaitu** tiada seorang pun boleh membuat apa-apa peluasan atau pengubahan struktur atau fungsian kepada mana-mana kemudahan atau perkhidmatan jagaan kesihatan swasta berlesen atau mana-mana bahagiannya yang menjejaskan–
 - (a) maksud yang baginya kemudahan jagaan kesihatan swasta berlesen itu ditubuhkan, disenggarakan, dikendalikan atau disediakan;
 - (b) mana-mana terma atau syarat kelulusan untuk menubuhkan atau menyenggarakan atau lesen untuk mengendalikan atau menyediakan; atau
 - (c) standard kemudahan atau perkhidmatan yang disediakan,melainkan jika kelulusan bertulis Ketua Pengarah diperoleh terlebih dahulu.;
 - 4.3 **Seksyen 40(2), Akta 586, di mana** sesuatu permohonan bagi peluasan atau pengubahan di bawah Subseksyen (1) hendaklah dibuat kepada Ketua Pengarah dalam borang dan mengikut cara yang ditetapkan dan hendaklah disertakan dengan fi yang ditetapkan; dan
 - 4.4 **Seksyen 40(4), Akta 586, iaitu** mana-mana orang yang melanggar subseksyen (1) adalah melakukan kesalahan.

5. Penularan wabak *Coronavirus Disease 2019* (COVID-19) menyebabkan terdapat keperluan bagi saringan yang meluas ke atas individu yang menepati kriteria untuk saringan tersebut berdasarkan polisi semasa.
6. Bagi memudahkan KPJKS menyediakan kemudahan dan perkhidmatan S&T bagi COVID-19, Kementerian Kesihatan Malaysia (KKM) telah mengeluarkan surat-surat seperti berikut:
 - 5.1. Penyediaan Kemudahan dan Perkhidmatan *Screening & Triaging Booth Related to COVID-19* di Klinik Swasta bertarikh 27 Mac 2020 (No. rujukan : KKM87/A2/14-4/7 (29)); dan
 - 5.2. Penyediaan Kemudahan dan Perkhidmatan *Screening & Triaging Booth Related to COVID-19* di Hospital Swasta bertarikh 27 Mac 2020 (No. rujukan : KKM87/A2/14-4/7 (27)).

SUMBER KUASA

7. Arahan ini disediakan selaras dengan peruntukan Akta 586 seperti berikut:
 - 7.1 **Seksyen 102, Akta 586** memberi kuasa kepada Yang Berhormat Menteri Kesihatan untuk memberi Ketua Pengarah atau mana-mana pegawai yang dilantik di bawah Akta 586, arahan-arahan am **yang tidak tak konsisten** dengan peruntukan Akta 586 tentang penjalanan kuasa dan budi bicara yang diberikan kepada dan kewajipan yang dikehendaki ditunaikan oleh Ketua Pengarah atau pegawai di bawah Akta ini; dan
 - 7.2 **Seksyen 103, Akta 586** memberi kuasa kepada Yang Berhormat Menteri Kesihatan untuk **mengecualikan** mana-mana atau mana-mana bahagian KPJKS yang dilesenkan atau didaftarkan di bawah Akta ini daripada kuat kuasa mana-mana peruntukan Akta 586–
 - (a) **tertakluk kepada apa-apa sekatan atau syarat** sebagaimana yang dinyatakan oleh Yang Berhormat Menteri Kesihatan, selepas berunding dengan Ketua Pengarah; dan
 - (b) jika dia berpuas hati bahawa kemudahan jagaan kesihatan swasta itu **tidak mendatangkan apa-apa bahaya kepada kesihatan orang awam, atau tidak akan dikendalikan**

mengikut cara yang memudaratkan kepentingan kesihatan awam.

- 7.3 **Seksyen 44, Akta 586** di mana Ketua Pengarah Kesihatan boleh mengeluarkan surat tunjuk sebab dalam Seksyen 43, Akta 586 atas alasan Pemegang Lesen atau Pemegang Perakuan Pendaftaran telah memperoleh kelulusan melalui apa-apa kenyataan palsu atau mengelirukan.

TAFSIRAN

8. Merujuk Seksyen 2, Akta 586–

- 8.1 “perkhidmatan jagaan kesihatan swasta” ertinya apa-apa perkhidmatan yang disediakan oleh kemudahan jagaan kesihatan swasta;
- 8.2 “klinik perubatan swasta” ertinya mana-mana premis, selain kemudahan jagaan kesihatan Kerajaan, yang digunakan atau dimaksudkan untuk digunakan bagi amalan perubatan atas dasar pesakit luar termasuklah–
- (a) memeriksa, mendiagnosis, atau merawat mana-mana orang yang menghidap, atau dipercayai menghidap, apa-apa penyakit, kecederaan atau hilang upaya minda atau badan;
 - (b) perkhidmatan jagaan kesihatan pencegahan atau penggalakan; dan
 - (c) mengubati atau mengurangkan apa-apa keadaan luar biasa badan manusia dengan pemakaian apa-apa perkakas, kelengkapan, alat atau peranti;
- 8.3 “pusat jagaan ambulatori swasta” ertinya mana-mana premis, selain pusat jagaan ambulatori Kerajaan, klinik perubatan swasta atau klinik pergigian swasta, yang terutamanya digunakan atau dimaksudkan untuk digunakan bagi maksud menjalankan apa-apa tatacara yang berhubungan dengan amalan perubatan dalam mana-mana disiplinnya atau apa-apa tatacara pergigian dan dengan perkhidmatan jagaan kesihatan swasta yang relevan yang berterusan termasuklah perkhidmatan

kejururawatan bilamana pesakit berada dalam premis itu, dan yang dalamnya jagaan kesihatan, katil atau penginapan lain sebagai tempat tinggal bagi mana-mana seorang pesakit bagi tempoh tidak lebih 23 jam disediakan dan yang darinya pesakit sama ada dibenarkan keluar dalam keadaan ambulatori tanpa menghendaki jagaan atau pengawasan sentiasa atau yang berterusan dan tanpa bahaya kepada kesejahteraan berterusan pesakit itu atau dipindahkan ke hospital; dan

- 8.4 “hospital swasta” ertinya mana-mana premis, selain hospital atau institusi Kerajaan, yang digunakan atau dimaksudkan untuk digunakan bagi penerimaan, penginapan, rawatan dan penjagaan orang yang memerlukan rawatan perubatan atau yang menghidap apa-apa penyakit atau yang memerlukan rawatan pergigian yang memerlukan kemasukan ke hospital.

PEMATUHAN

9. Pemegang Perakuan Pendaftaran atau Pemegang Lesen boleh menyediakan perkhidmatan dan kemudahan S&T setelah menandatangani dan mengemukakan *Self-declaration* Kemudahan dan Perkhidmatan *Screening & Triaging* (S&T) Bagi COVID-19 Di Klinik Perubatan Swasta, Pusat Jagaan Ambulatori Swasta dan Hospital Swasta Yang Berdaftar atau Berlesen Bawah Akta 586 (seperti di Lampiran) yang lengkap, melalui emel kepada ckaps@moh.gov.my. Pastikan bukti penghantaran melalui emel disimpan sebagai rujukan/rekod.
10. Kelulusan bagi menyediakan perkhidmatan S&T disifatkan sah laku dari tarikh *self-declaration* berkenaan dikemukakan kepada Kementerian **selagi tiada sebarang pemindahan hakmilik Perakuan Pendaftaran/ Lesen tersebut.**

GARIS PANDUAN

11. Semua KPJKS perlu mengunapakai dan mematuhi garis panduan dan piawaian yang telah dikeluarkan oleh KKM berkaitan dengan pengendalian COVID-19 tidak terhad kepada–

- 11.1. Garis Panduan Pengurusan COVID-19 di Malaysia yang terkini (rujuk <http://covid-19.moh.gov.my/garis-panduan/garis-panduan-kkm>);
- 11.2. *Annex 2f: Flow Chart for Sampling of COVID-19 By Private Health Facilities* yang terkini (rujuk http://covid-19.moh.gov.my/garis-panduan/garis-panduan-kkm/Annex_2f_flow_chart_for_sampling_COVID_19_by_private_health_facilities_17082020.pdf) berkenaan kriteria, bilangan staf dan carta alir pengambilan sampel;
- 11.3. Garis Panduan Menggunakan Kit Ujian Pantas (RTK-Ag) bagi COVID-19 di Sektor Swasta Versi 2.0 berkenaan penggunaan RTK-Ag dan penaksiran risiko;
- 11.4. *Annex 4c: Guideline on COVID-19 Testing Using Antigen Rapid Test Kit (RTK-AG) For The Health Facilities, Ministry of Health, Malaysia* (rujuk <http://covid-19.moh.gov.my/garis-panduan/garis-panduan-kkm/Annex%204c%20GarisPanduan%20RTK%20AG%20version%204.0.pdf>) berkenaan interpretasi pengujian RTK-Ag;
- 11.5. *Annex 4a: Senarai Makmal Yang Menjalankan Ujian RT-PCR Bagi Covid-19* (rujuk http://covid-19.moh.gov.my/garis-panduan/garis-panduan-kkm/Annex_4a_Agihan_Makmal_Ujian_COVID_21082020.pdf) berkenaan senarai makmal yang diakreditasi oleh KKM bagi menjalankan ujian COVID-19;
- 11.6. *Annex 7: Notification Form* (rujuk http://covid-19.moh.gov.my/garis-panduan/garis-panduan-kkm/Annex_7_Notification_Form_21032020.pdf) berkenaan borang notifikasi saringan yang dijalankan;
- 11.7. Lampiran B: *Flowchart for Management of Probable Case of COVID-19* berkenaan carta alir pengendalian kes *probable* COVID-19; dan
- 11.8. Garis Panduan berkaitan lain yang dikeluarkan dari semasa ke semasa.

PEMANTAUAN

12. Pemantauan akan dijalankan oleh pegawai-pegawai CKAPS setelah *self-declaration* dikemukakan dari semasa ke semasa.

TARIKH KUAT KUASA

13. Arahan ini berkuat kuasa serta merta mengikut tarikh arahan.



YANG BERTHORMAT DATO' SERI DR. ADHAM BIN BABA
Menteri Kesihatan Malaysia

Tarikh: 2 OKTOBER 2020



KEMENTERIAN KESIHATAN MALAYSIA

SELF-DECLARATION KEMUDAHAN DAN PERKHIDMATAN SCREENING DAN TRIAGING (S&T) BAGI COVID-19 DI KLINIK PERUBATAN SWASTA, PUSAT JAGAAN AMBULATORI SWASTA DAN HOSPITAL SWASTA YANG BERDAFTAR ATAU BERLESEN DI BAWAH AKTA 586

PERHATIAN:

1. Pemegang Perakuan Pendaftaran Klinik Perubatan Swasta dan Pemegang Lesen (Hospital Swasta atau Pusat Jagaan Ambulatori Swasta) bawah Akta 586 yang menyediakan Kemudahan Dan Perkhidmatan *Screening Dan Triaging* (S&T) perlu mengemukakan *self-declaration* yang lengkap.
2. *Self-declaration* tersebut hendaklah dikemukakan kepada Pengarah Amalan Perubatan, Kementerian Kesihatan Malaysia di alamat ckaps@moh.gov.my **sebelum menyediakan kemudahan dan perkhidmatan berkenaan.**

A. BUTIR-BUTIR KPJKS YANG AKAN MENYEDIAKAN S&T BAGI COVID-19

1.	Nama KPJKS	:	
2.	Alamat KPJKS	:	
3.	Nombor Pendaftaran klinik atau Nombor Lesen KPJKS	:	

B. MAKLUMAT BERKENAAN JENIS UJIAN YANG DIJALANKAN(Tandakan bagi jenis ujian yang berkaitan)

1.	<input type="checkbox"/> RT-PCR
2.	<input type="checkbox"/> Lain-lain, sila nyatakan:

LAMPIRAN

Saya, dengan ini mengakui bahawa maklumat dan kenyataan yang saya berikan adalah benar serta saya mengaku dan berjanji–

- (a) Telah menjalankan penaksiran risiko dan **mengesahkan** aktiviti saringan ini adalah berisiko rendah serta akan mengambil langkah-langkah yang bersesuaian bagi mengendalikan risiko berkenaan;
- (b) Mematuhi semua keperluan Akta Kemudahan dan Perkhidmatan Jagaan Kesihatan Swasta 1998 [*Akta 586*] dan Peraturan-peraturannya serta garis panduannya, Akta Pencegahan dan Pengawalan Penyakit Berjangkit 1988 dan peruntukan lain yang mana berkaitan termasuk prosedur–
 - (i) kawalan jangkitan;
 - (ii) pengurusan kecemasan perubatan;
 - (iii) pengurusan sisa klinikal; dan
 - (iv) pengurusan rekod perubatan pesakit dan lain-lain.
- (c) Memastikan semua profesional jagaan kesihatan yang diambil kerja atau diguna khidmat–
 - (i) didaftarkan di bawah mana-mana undang-undang yang mengawal selia pendaftaran mereka;
 - (ii) mematuhi *Code of Professional Conduct* dan Garis Panduan Etika profesional jagaan kesihatan berkenaan; dan
 - (iii) Mematuhi *Good Medical Practice Guidelines* yang berkaitan.;
- (d) Memastikan lokasi S&T yang dipilih **mendapat kelulusan pihak berkuasa tempatan** atau mana-mana pihak yang berkaitan dan adalah di bawah tanggungjawab saya sepenuhnya;
- (e) Mematuhi Garis Panduan Pengurusan COVID-19 di Malaysia (*Guidelines COVID-19 Management in Malaysia*) semasa yang terpakai serta garis panduan dan *Standard Operating Procedure* terkini berkaitan, yang dikeluarkan dari semasa ke semasa;
- (f) Mematuhi Garis Panduan Menggunakan Kit Ujian Pantas (RTK-Ag) bagi COVID-19 di Sektor Swasta Versi 2.0 berkenaan penggunaan RTK-Ag dan penaksiran risiko, sekiranya menggunakan RTK-Ag;

LAMPIRAN

- (g) Memastikan *person-to-perform* yang diketuai oleh pengamal perubatan berdaftar adalah terlatih untuk menjalankan persampelan dan/ atau pengujian COVID-19;
- (h) Menggunakan **test kit** yang telah mendapat “surat tiada halangan” dari Pihak Berkuasa Peranti Perubatan; dan
- (i) Apabila menggunakan kaedah RT-PCR, memastikan pengujian dijalankan di **makmal yang diakreditasi** oleh Kementerian Kesihatan Malaysia untuk COVID-19.

Sekiranya kenyataan yang saya berikan adalah palsu dan mengelirukan, pihak Kementerian Kesihatan Malaysia berhak mengambil tindakan lanjut mengikut peruntukan undang-undang yang terpakai. Saya dan semua profesional serta para-profesional perubatan yang terlibat juga adalah bertanggungjawab sepenuhnya dari segi undang-undang termasuk implikasi mediko legal dalam pengendalian aktiviti *screening & triaging* yang dijalankan.

Disediakan oleh Pemegang Perakuan Pendaftaran atau Orang Yang Bertanggungjawab sebagai wakil Pemegang Lesen :

Tandatangan :
Nama :
No. Kad :
Pengenalan
Tarikh :
Cop :

Self-declaration ini hendaklah dikemukakan melalui emel kepada:

**Pengarah Amalan Perubatan
(U.P: CAWANGAN KAWALAN AMALAN PERUBATAN SWASTA)
No Faks : 03-8881 0901/0902
Alamat emel : ckaps@moh.gov.my**